

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-34-4616/11

Datum, 19.09.2011. godine

Na osnovu člana 62. Zakona o organizaciji organa uprave u Federaciji Bosne i Hercegovine («Službene novine FBiH», broj 35/05), a u vezi sa članom 28. Zakona o radu («Službene novine FBiH», broj: 43799, 32/00 i 29/03), člana 2.a. Pravilnikom o plaćama i naknadama plaća državnih službenika i namještenika u jedinstvenom Općinskom organu uprave i posebnih službi, i drugim organima općine Zavidovići (Službeni glasnik općine Zavidovići» broj: 10/05 i 6/07) i člana 39. Statuta općine Zavidovići («Službeni glasnik općine Zavidovići», broj 5/08 i 5a/08), Općinski načelnik Zavidovići, donio je

ODLUKU

o naknadama volonterima

Član 1.

Ovom Odlukom se utvrđuje pravo na naknadu licima koja se primaju na stručno osposobljavanje za samostalan rad, bez zasnivanja radnog odnosa (volonterski rad) u službama za upravu i stručnim službama Općine Zavidovići (u daljem tekstu volonteri).

Član 2.

Za vrijeme obavljanja volonterskog rada volonterima se obezbjeđuju slijedeće naknade:

1. naknada za troškove prevoza
2. naknada za ishranu u toku rada (topli obrok)
3. naknada za osiguranje za slučaj povrede na radu ili profesionalne bolesti

Naknada iz podtačke 1. i 2. predhodnog stava volonterima se isplaćuje u visini i pod istim uslovima kao i za državne službenike i namještenike u radnom odnosu u službama za upravu i stručnim službama Općine Zavidovići.

Naknada iz podtačke 3. stav 1. isplaćuje se nadležnoj službi za zapošljavanje u visini od 35% najniže plaće u Federaciji BiH u skladu sa propisima o penzijskom i invalidskom osiguranju.

Član 3.

Naknade iz člana II ove Odluke, obezbjeđuju se u Budžetu općine Zavidovići, a isplaćuje se mjesečno za cijelo vrijeme obavljanja volonterskog rada.

Član 4.

Odluka stupa na snagu danom donošenja, a primjenjivat će se od 01.10.2011. godine. Stupanjem na snagu predmetne odluke izvršit će se usklađivanje zaključenih Ugovora o volonterskom radu.

Član 5.

O realizaciji predmetne odluke starat će se Kabinet općinskog načelnika i Služba za upravu ekonomskih poslova i poduzetništvo.

Član 6.

Odluku objaviti u «Službenom glasniku općine Zavidovići».

(M.P.)

OPĆINSKI NAČELNIK
Hakija Osmić, dipl.ecc., s.r.

OBRAZLOŽENJE

Na osnovu sa članom 28. Zakona o radu («Službene novine FBiH», broj: 43799, 32/00 i 29/03) volonteri angažovani u jedinstvenom općinskom organu Općine Zavidovići, potpisali su Ugovor o volonterskom radu.

Prilikom sačinjavanja Ugovora o volonterskom radu, osnov za utvrđivanje prava na naknadu za rad volontera utvrđen je u skladu sa članom 26. stav 1. tačka 1. Zakona o plaćama i naknadama u organima vlasti Federacije Bosne i Hercegovine («Službene novine Federacije BiH», broj: 45/10), a kojim je propisano da:

«Volonteri visoke, više i srednje stručne spreme u organu državne službe imaju pravo na naknadu, i to:

- 1) za visoku školsku spremu u iznosu od 35% od osnovne plaće stručnog saradnika;»

Na osnovu odgovora na upit Federalnog ministarstva pravde, broj: 03-49-1775/11 od 20.05.2011. godine, koji se odnosi na primjenu Zakona o plaćama i naknadama u organima vlasti Federacije Bosne i Hercegovine, kojim je decidno navedeno da se predmetni Zakon ne može direktno primjenjivati na kantone, općine i gradove, budući da su isti dužni donijeti svoje usaglašene propise iz ove oblasti, tako da se do donošenja usaglašenih propisa primjenjuju propisi koji su još uvijek na snazi.

Članom 2.a. Pravilnikom o plaćama i naknadama plaća državnih službenika i namještenika u jedinstvenom Općinskom organu uprave i posebnih službi, i drugim organima Općine Zavidovići (Službeni glasnik Općine Zavidovići» broj: 10/05 i 6/07), propisano je : «Pravo na naknadu za prevoz na posao i sa posla iz člana 2. i naknada za ishranu za vrijeme rada (topli obrok) iz člana 4. ovog Pravilnika, pripada i volonterima sa punim radnim vremenom na osnovu zaključenog ugovora o volonterskom radu, a isplaćuje se na teret općinskog organa uprave Općine Zavidovići.»

Shodno naprijed iznijetom donesena je odluka kao u dispozitivu, a na osnovu iste izvršit će se usklađivanje Ugovora o volonterskom radu.

OPĆINSKI NAČELNIK

Hakija Osmić, dipl.ecc.